

Namminersornerullutik Oqartussat nalunaarutaat Ilisimatusarfimmi ilinniartitsisut ilisimatuutullu suleqataasut atorfinitsinneqartarnissat pillugu

Ilisimatusarfik pillugu Landstingip inatsisiliaani nr. 3-mi majip 9-anni 1989-imeersumi § 3 nr. 1 malillugu ilinniartitsisut ilisimatuutullu suleqataasut atorfinitsinneqartarnissaanni makku aalajangersarneqarput:

I. Atorfinitsitsinissamut piumasat

§ 1. Nalunaarummi uani atorfiit pineqartut inuttalernissaannut piumasarineqarpoq atorfininniartoq universitetini inerluni soraarummeersimasuussasoq imaluunniit ilinniarfimmi qaffasinnerusumi allami imaluunniit ilinniarfimmi allami taamatut nalilerneqarsinnaasumi.

Imm. 2. Kultureqarnermi atuartsinermilu Pisortaqaqarfiup akuerisinnaavaa qinnuteqartoq allamik tunuliaqutaqarluni pisinnaasanik piumasarineqartunik angusisimanerminut uppersaataissalik atorfinimut pineqartumut ikkunneqarsinnaasoq.

II. Professorinik, adjunktinik/lektorinik saniatigooralugulu lektorissanik atorfinitsitsisarneq.

Inuttassarsiuussisarneq.

§ 2. Atorfiit inuttaqanngitsut avammut nalunaarutigalugit inuttassarsiuunneqartassapput malittarisassatigut allatigut tamanna saneqqutissallugu periarfissiisoqarsimannngippat, naleqq. § 14.

Imm. 2. Avammut nalunaarutigalugu atorfiup inuttaqanngitsup inuttassarsiornerani isumaqatigiissutit tunngavigalugit atorfinitsitsinermik tunngaveqartumit allaassuteqarsinnaasut saniatigut adjunkt/lektorit pillugit isumaqatigiissut tunngavigalugu inuttassarsiuusoqassaaq. Tamatumunga ilanngullugu atorfiup suliaassartaata suunera atorfinitsinniakkallu sunik angusaqarsimanissaanik piumasat uppersaataitaqartussaananerit ilanngullugu nalunaarutigineqassapput. Aammalu nalunaarutigisami ilanngunneqassaaq qinnuteqartunik naliliisussat oqaaseqaataat tamakkerluni qinnuteqartunut tamanut nassiunneqarumaartoq.

Ataatsimiititaliat naliliisussat.

§ 3. Qinnuteqarfissamut piffissarititaq naagaangat immikkut paasisimasalinnik ataatsimiititaliortoqartassaaq (ataatsimiititaliat naliliisussat) qinnuteqartut qanoq piukkunnaateqartiginerannik naliliisussanik. Ilaasortaasa arlaat aamma erninnaq siulittaasussatut toqqarneqassaaq.

Imm. 2. Naliliisussatut ataatsimiititaliat pingasuniit tallimanut ilaasortaqaassapput, taakkunanngalu immikkut ittunik pissutissaqavitsinnani ikinnerpaamik ataaseq Ilisimatusarfiup ilaani atorfiniffiusussami

suleqataasuussaaq. Paasisimasalittut ataatsimiititaliat allartik ilaqaratik sulissapput.

Imm. 3. Naliliisussatut ataatsimiititaliani kinaluunniit kinaassusersiorsinnaasutut pasinaateqarsinnaanera tunngavissaqarsorinartoq ilaasortaasinnaangilaq.

Imm. 4. Professorimik atorfinitsitsiniarluni ataatsimiititalianut naliliisussanut taamaallaat professorit imaluunniit ilisimasassatigut professorinut nallersuunneqarsinnaasut ilaasortaasinnaapput. Professori kingoraarneqartussaq ataatsimiititaliap ilaasortaasa paasisimasaqartuunissaannik piumasaq allanik periarfissiinngippat aatsaat ataatsimiititaliani naliliisussani ilaasortaasinnaavoq.

Imm. 5. Adjunktissanik lektorissanik saniatigooraluguluunniit lektorissanik atorfinitsitsiniarnermi ataatsimiititaliani naliliisussani taamaallaat professorit lektorilluunniit, imaluunniit ilisimasassatigut taakkununga nallersuunneqarsinnaasut ilaasortaasinnaapput.

Imm. 6. Ataatsimiititaliat naliliisussat kikkunnik ilaasortaqaarnissaannik isummernermut malitsiinnarlugu qinnuteqartut ataatsimiititaliap kikkunnik ilaasortaqaarneranik kalerrinneqassapput.

§ 4. Ataatsimiititaliat naliliisussat atulersinnerannut ilanngullugu allaatigalugu nalunaaruteqarnissaannut piffissarititaq killilerneqassaaq.

Imm. 2. Ataatsimiititaliat siulittaasuata ilaasortaqaatini ataatsimiititaliat suliassaannut tunngasunik aalajangersakkanik nassuaatissavai, allatigullu pisariaqarsorisaminik ilitersuussinnaallugit.

Imm. 3. Ataatsimiititaliat - qinnuteqaatit paasisutissallu allat misissorallarneranni - isumaqarunik inuttassarsieqqinnermi allanik piukkunnarnerusunik qinnuteqartoqaarnissaa ilimanartoq, inuttassarsieqqinnissamik Universitetsrådimut siunnersuuteqarsinnaapput. Siunnersuutaat taamaattoq malinneqarpat nalunaarummi allassimassaaq qinnuteqareersimasut qinnuteqaataat uterteqqullugit kissaatigineqanngitsut naliliinermut ilanngunneqassasut.

Imm. 4. Ataatsimiititaliat pissutissaqartillutik aalajangersinnaavaat qinnuteqartut ilisimatuutut suliaminnik allanik naliliinermi tunngavissanut ilanngunneqartussanik nassitsisinnaasut. Taamatut pisoqartillugu piffissaq nassitsiviusinnaasoq nutaamik killilerneqassaaq, tamannalu qinnuteqartunut tamanut nalunaarutigineqassalluni.

Naliliineq.

§ 5. Naliliinermi qinnuteqartup pisinnaasai ataatsimut nalilerneqassapput ilinniartitsineranut ilisimatuutullu sulineranut takussutissat aammalu ilisimatusaatinik ilinniartitsinermillu ineriartortitsisinnaanera tamaasa ilanngullugit (taakku tamarmik suliasaanut ilaappata), taamaalilluni taakkua arlaatigut annertuumik suliarisimasat arlaanni annikinnerugalanut naammaginantunulli tapertaliunneqarsinnaasunngorlugit.

§ 6. Atorfik inuttassarsiuussaq professorip atorfigippagu ataatsimiititaliat oqaaseqaataanni tunngavilersorlugu ilanngunneqassaaq qinnuteqartut ataasiakkaat professorissatut piukkunnartuunersut.

Imm. 2. Atorfik inuttassarsiuussaq adjunktip lektorilluunniit, imaluunniit saniatigooralugu lektorip, atorfissarippagu naliliisussat isumaqatigiillutik piukkunnarsorinngisatigut tamatuminnga erseqqissumik oqaatigiinnarsinnaavaat piumasarisat suut amigaatigigaat nalunaarlugu. Qinnuteqartut allat pillugit tunngavilersorlugu ilanngunneqassaaq qinnuteqartoq qanoq piukkunnartiginersoq.

Innersuussinissaq.

§ 7. Naliliinermi isumaqarnarpat qinnuteqartut ilaasaluunniit piumasarineqartut pisinnaagaat, ataasimiititaliat naliliisussat tamanna tunulequtaralugu tunngavilersukkamik innersuutertik allassavaat

qinnuteqartut ilaat kinarleq ataatsimut isigalugu allanit salliutillugu atorfnitsitassatut piukkunnerlugu. Innersuussilluni oqaaseqaat qinnuteqartut allakkatigut akuersiseqqaarnagit avammut saqqummiunneqassanngilaq.

Imm. 2. Atorfik inuttassarsiuusaaq adjunktip lektorilluunniit atorfigippagu, atorfnittussatullu innersuussap pisinnaasai naammaginarpata - pisinnaasanik naliliisarnermut piumasarisat tunngavigalugit - ataatsimiititaliat tunngavilersoqqillugu innersuussutigisinnaavaat qinnuteqartoq piffissami sivikinnerusumi adjunktioqqaarluni immikkut nalilerneqaqqigani piffissap taasap naanerani lektorit atorfinitinneqassasoq.

§ 8. Naliliisussatut ataatsimiititaliat innersuussutaat tunngavissarititat malillugit inuttarsiortuunngitsunik oqaasertaqassaaq, isummernerullu tunngaviata naammaginaruunissaa anguniarneqassaaq aamma Universitetsráðimi ilaasortanit immikkut paasisimasaliunngikkaluani tunngavissatut atorneqarsinnaasunngorlugu.

Imm. 2. Ataatsimiititaliat innersuussutaat isumaqatigiilluni oqaaseqaataasinnaavoq imaluunniit amerlanerussuteqartut oqaaseqaatigisinnaavaat, ikinnerussuteqartut oqaaseqaataannik taperneqarsinnaalluni. Ataatsimiititaliat isumaqatigiissimannippata tamanna oqaaseqaammi erseqqissumik takuneqarsinnaassaaq.

§ 9. Ataatsimiititaliat naliliisussat innersuussutertik Universitetsráðimut ingerlatissavaat. Oqaaseqaat taakkunanga naammaginarinneqaruni qinnuteqartunut nassiunneqassaaq, isumaqarfigineqarunili nalunaarummi uani piumasarisat naammassinagit suliarineqarsimasooq ataatsimiititalianut utertittariaqassaaq suliareqqeqqullugu taperneqaqqulluguluunniit. Innersuussut qinnuteqartunut nassiunneqarpat ilanngullugu nalunaarfigineqassapput allat qinnuteqaataat inuttaat allakkatigut akuersiseqqaarnagit tamanut nalunaarutigisinnaanngikkaat.

Isummerneq.

§ 10. Suliassap Universitetsráðimi suliarineqarnerani ataatsimiititaliat naliliisussat siulittaasuut immaqalu aamma ilaasortaat allat qaaqquneqarsinnaapput eqqartornerani peqataaqqullugit, taaseqataasinnaatinnagilli.

§ 11. Qinnuteqartut arlaata atorfnitsinnissaa aatsaat pisinnaavoq ataatsimiititaliami naliliisussaaitami amerlanerussuteqartunit atorfnitsissallugu piukkunnartutut isumaqarfigineqaruni, naleqq. § 6.

Imm. 2. Atorfinititsinissamik isummiut Universitetsráðip nalinginnaasumik amerlanerussuteqarnikkut aalajangissavaa.

Imm. 3. Universiteteráðip ataatsimiititaliap innersuussutaa malinngikkuniuk aalajangikkani immikkut patsilissavaa.

Sinniisutut inissiineq.

§ 12. Professorimut sinniisussaagallartumik imaluunniit adjunktimut, lektorimut saniatigooraluguluunniit lektorimut sinniisutut atorfnitsitsinissamik isummertoqarsinnaavoq nalunaarummi atorfnitsitsinissamut aalajangersakkat malillugit, taamatut suliassap sivisussusissaata qaammatit 12 sinnersimappagit.

Kultureqarnermi atuartitsinermilu Pisortaqarfiup immikkut pissutissaqartillugu tamatumanga immikkut ittumik pisoqarnissaa akuerisinnaavaa. Sinniisussamik atorfnitsitsinissaaq tamatumanga sivikinneruppat Universitetsráðip aalajangersinnaavaa atuagassiatigut inuttassarsiuussisoqassanersoq, naliliisussanik ataatsimiititaliortoqassanersoq, il.il.

Atorfnitsitsineq.

§ 13. Ilisimatusarfiup rektoriata nakkutigissavaa atorfinnik inuttaliineq aalajangersakkat atuuttuusut malillugit pissammat.

Imm. 2. Aalajangiussaq malittarisassat atuuttut malillugit pisimasutut isigineqarpat suliap suliarineqarnerani pappiarat atorineqartut - taamaallaat qinnuteqartut ilisimatuutut suliaat ilanngunnagit - Ilisimatusarfiup rektoriata Namminersornerullutik Oqartussanut nassutissavai, taakkulu atorfnitsitsinissaq naammassissavaat.

Namineq qinikkamik atorfnitsitsineq.

§ 14. Professoritut atorfnitsitsineq immikkorluinnaq ittunik pissutissaqartilluni inuttassarsiuuteqqaarnagu pinnaasassaaq.

Imm. 2. Inuttassarsiuuteqqaarnagu professorinngortoqarnissaanik siunnersuuteqartoqarpat aqqatigut taallugu siunnersuutigineqartumik, Universitetsrådip aalajangersinnaavaa ataatsimiititaliortoqassasoq atorfik taanna avammut inuttassarsiuuteqqaarnagu inuttalissallugu tunngavissaqarnersoq, imaluunniit §§ 2-13 malillugit atorfnitsitsisoqassanersoq naliliisussanik.

Imm. 3. Ataatsimiititaliat taamaattut pingasunik tallimanilluunniit ilaasortaqaassapput § 3-mi aalajangersakkanut naapertuuttumik toqqarneqartussanik.

Imm. 4. Ataatsimiititaliat innersuussutigisinnaavaat atorfik pineqartoq inuttassarsiuuteqqaarnagu inuttalernerqarsinnaasoq atorfnitsitassatut siunnersuutigineqartoq naammaginarluinnartumik piginnaaneqartutut nalilerneqarpat. Ataatsimiititaliap isumaa malillugu inuup pineqartup pinnaasai uppersarsineqarsimasutut oqaatigineqarsinnaassapput inuup pineqartup atorfinnik taamaattumik taamatulluunniit nalilerneqarsinnaasumik assigisaanilluunniit suliaqareersimaneratigut. Innersuussut tunngavilersorimassaaq, aamma naleqq. § 8, imm. 1.

Imm. 5. Inuttassarsiuuteqqaarnagu atorfnitsitsinissaq aatsaat pinnaavoq naliliisussatut ataatsimiititaliat innersuussubaat tamarmik isumaqatigiinneratigut suliaappat, Universitetsrådimilu ilaasortat taaseqataasinnaasut minnerpaamik 2/3-iisa taasinnikut akuerippassuk.

Lektorissatut naliligaaneq.

§ 15. Qanoq adjunkti malittarisat atuuttut malillugit lektoritut atorfnitsinneqarnissaminut piukkunnartiginersoq aalajangerniarlugu Universitetsrådip ataatsimiititaliat naliliisussat paasisimasaqartunik inuttallit pilersissavai pingasunik ilaasortaqaartussat. Aalajangersakkat § 3-mi imm. 1-, 3-, 5-, 6-imilu ittut, § 4-mi imm. 1-imiittut, § 5-imiittut § 8-miittullu aamma tassani atorineqassapput.

Imm. 2. Ataatsimiititaliat naliliisussat oqaaseqaataata piukkussineq imarippagu Universitetsrådip innersuussutigissavaa inuk pineqartoq lektoritut atorfnitsinneqaqqullugu. Oqaaseqaat ataatsimiititalianut itisilerneqaqqullugu erseqqissarneqaqqulluguluunniit utertinneqarsinnaavoq.

Imm. 3. Ilisimatusarfiup rektoriata suliaasaq Namminersornerullutik Oqartussanut ingerlateqqissavaa malittarisassat § 13-imiittut malillugit.

III. Saniatigooralugu ilinniartitsiussanik (undervisningsassistentissanik atorfnitsitsisarneq).

§ 16. Saniatigooralugu ilinniartitsisunik (undervisningsassistentinik) pineqarput inuit nalunaaquttap akunnikkuutaartumik ilinniartitsisutut akissarsiaqartinneqartut namminerlu ingerlassaminik

ilinniagassanik aalajangersimasunik ilinniartitsisuusut.

§ 17. Atorfiit inuttaligassat avammut allagarsiinikkut inuttassarsiuunneqassapput. Taamatut inuttassarsiuussineq pinngitsoorneqarsinnaavoq semesterimi ataatsimi tiimit killeqartut pineqarpata.

Imm. 2. Avammut inuttasnarsiuussinermi pisinnaasassatut piumasarineqartut nalunaarreqassapput, aammalu atuartitsissutissap suunera sammivialu, immaqalu tiimit amerlassusissaat, atuartitassat amerlassusiat, kiisalu atorfissap aallartiffissaa killissaalu ilanngunneqassapput. Aammattaaq inuttassarsiuussinermi ilinniartitsinermi akissarsiassat annertussusissaat ilanngunneqassaaq.

Imm. 3. Ajornartinnagu avammut inuttassarsiuussinissaq sioqqutsisumik tusarliunneqassaaq semesteri naatinagu, semesterip tullissap aallartinnginnerani atorfinitsitsinissaq siunertaralugu.

§ 18. Studienævni atorfinitsitsinissaq, inuup pineqartup atorfinitseqqinnissaa, soraarsitsinissarluunniit pillugu innersuussuteqartussaavoq.

Imm. 2. Studienævni innersuussiniarnera matoqqasumik ataatsimiinnermi pissaaq. Suliassanut taamaattunut tunngatillugu Studienævni ilaasortat avammut oqaatiginnittusaa ngillat.

§ 19. Studienævni innersuussutai rektorimut ingerlatinneqassapput, taassumalu aalajangigassartai aalajangissavai suliassartaalu Namminersornerullutik Oqartussanut nassutissallugit, taakkua atorfinittussaq atorfinitsitassarimassuk, soraarsitassaq soraarsitassaralugu akissarsiassallu malittarisassat atuuttut tunngavigalugit aalajangissallugit.

IV. Malittarisassanit imikkoortumik aalajangiisinnaaneq atortussanngortitsinissarlu.

Immikkut ittumik akuersisinnaaneq.

§ 20. Kultureqarnermi atuartitsinermilu Pisortaqarfik nalunaarummi aalajangersakkanit allatut iliortoqarnisaanik akuersisinnaavoq tamanna pissutsinik immikkut ittunik tunngavissaqarpat.

Atulerfissaa.

§ 21. Nalunaarut una februarip aallaqqaataani 1990-imi atortuulissaaq.

Namminersornerullutik Oqartussat, ulloq 2. januar 1990

Jens Lyberth

/

Hugin S. Christiansen

3900 Nuuk

E-mail: nsninatsit@nanoq.gl

Linkit iluaqutaasussat

Kalaallit Nunaanni inatsisinut nalunaarutit

Namminersorlutik Oqartussat inatsisinut toqqorsiviat

Naalakkersuisut